



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Quid est Christiana libertas. tit. 166

urn:nbn:de:hbz:466:1-29452

lem, Roman. 3. & 1. Corinth. 7. dicit: Neque circumcisio, neque præputium vestrum prodest, sed obedientia mandatorum Dei. Exigit enim Deus à nobis obedientiam legis, alioquin non promitteret gratiam, neque infunderet spiritum sanctum, Rom. 5. Et mentus fuisse Ioannes, 1. Ioann. 5. inquit: Mandata eius graua non sunt, id est, Renato. Et Christus, Matt. 23. Onus meum leue, & iugum suaue, &c. Si essent impossibilia seruatu, etiam Christus & Ioannes mentiti fuissent.

Quintò, Fiducia legis, id est, quòd aestimetur fore causa iustificationis & salutis, illa prohibetur. Est enim lex pædagogus solum ad Christum, Galat. 3. id est, prohibet hominem in externa vita & disciplina, sed conscientiam & animam iustificat Christi sanguis per fidem, 1. Ioan. 1. Habet tamen hæc inchoata obedientia etiam sua præmia, & medium scilicet est, per quod possessionem regni percipimus, Mat. 25. &c.

QVID EST CHRISTIANA
libertas.

TITVLVS CLXVI.

NOtandum primò, quòd scriptura notat duplicem libertatem: Vna dicitur Christiana libertas, & est illa, quam à Christo habemus, & quã Christus nobis est consecutus, Galat. 5. Altera dicitur carnis libertas, quam Christus prohibet, at tamen carnem vendicat, quãdò libertate pro velamine peccati vitur. Et de illa dicit Paulus Galat. 5. & Petrus, 1. Petr. 2.

Secundò, libertas quam à Christo habemus & ex eius suo sanguine, est illa, quòd nos liberauit ex carcere æternæ maledictionis legis. Deuter. 27. Maledictus omnis qui non seruat & cæt. Nam ipse perfectè
C C c fatisce.

fatisfecit legi, Matth. 5. Et illam nobis per fidem imputat: de hac libertate loquitur Paulus Gala. 3. Christus redemit nos de maledicto legis, factus pro nobis maledictum, quia scriptum est, Deute. 21. Maledictus omnis qui pendet in ligno. Est autem hæc vera libertas, quoniam solus Christus nunc est Dominus & saluator meus, nec opus est hoc à lege, aut ceremoniis, & car. quærere. Sic liberi sumus per fidem à maledictione legis, non autem ab obedientia legis. Nam lex per fidem statuitur, Rom. 3. Secundò, Christi libertas nos liberat à captiuitate sathanæ, ne in nos, sicut libenter velit, incrudescere possit: alioqui nemo pacem haberet, nec in spiritu neque rebus, nec in corpore, sicut patet de Iob: Et de illa dicit Apostolus 1. Cor. 3. Vbi spiritus Domini, ibi libertas, id est, à sathana, qui alioqui captiuos tenet infideles, 2. Tim. 2.

Tertiò, Christi liberatio est à morte perpetua. Nam resuscitabit & liberabit corpus à morte in die nouissimo Ioann. 6. & 11. Ideo hæc liberatio est à morte ad vitam æternam. Et de illa dicit ipse Christus Ioann. 8. Si filius vos liberauerit, &c. Sic Christus liberauerit nos de his tribus, peccato aut maledictione legis: nam lex maledicit propter peccatum. Secundò, à captiuitate & tyrannide sathanæ. Tertiò, ab æterna morte.

Secundò, est carnis libertas, quæ nihil aliud est, quàm contemptus superioritatis, Papæ & Imperatoris, atq; Catholicæ Ecclesiæ in eorum decretis, & respectu parètum carnalium. Sed hoc est grauissimum peccatum. Nam derogat Deo, qui instituit magistratum, Rom. 13. Mat. 16. Exo. 20. iubet Christus dare Cæsari, quæ Cæsaris sunt, Matth. 22. obedire præpòsitis Papæ, Episcopis, Prælati, Hebræ. 13. iubet Paulus. Thess. 2. Acto. 13. & 16. seruare decreta patrum concilij Hierosolymitani: & Petrus, obedire propter Deum humanis præceptis, 1. Petr. 2. & Paulus Rom. 13. dicit peccat

peccare in conscientiam, qui cōtemnit magistratum
 &cæ. Qui igitur potestati & eorum præceptis resistit,
 hic Deo resistit.

Tertiò, Licet obedientia exigatur humanarum tra-
 ditionum, non tamen illi distribuenda est iustificatio,
 ne quis putet, traditiones esse potissima opera: Nā
 fides, dilectio, timor, pax, &c. & fructus spiritus sancti
 Gal. 5. illis præferuntur. Sunt enim hæc nucleus, alia
 sunt puramina. Possunt quoque hæc tempore neces-
 sitatis omitti, si sine contemptu magistratus sit, &c.
 Sed hæc carnis libertas iam regnat.

DE LAPIDÈ FUNDAMEN-
 ti Christo.

TITVLVS CLXVII.

Propheta Esaias 28. inquit: Ecce ponam
 in fundamētis Sion lapidem probatum
 & electum angularem, &cæ. & 1. Petr. 2.

Ecce ponam in Sion, lapidem angula-
 rem, & omnis qui crediderit in eum, nō
 confundetur. Est igitur Christus lapis fundamenti,
 super quo ædificatio salutis & fidei nostræ quiescit.
 Ipse omnes fideles portat, & nos de plenitudine eius
 omnes recipimus, Ioan. 1. Est quoque lapis vnus, ideo
 non potest euerri ædificatio super eum locata, sicut
 dicit Petro, Matth. 16. Portæ inferorum non præua-
 lebunt, id est, nec peccatum, nec sathan, neque infer-
 nus, neque homo, neque angelus præualebit aduer-
 sus Ecclesiam: impugnabitur quidem Ecclesia, sed
 nemo præualebit, &c.

Secundò, præter hoc fundamentum fidei nostræ,
 id est, Christum, non potest aliud poni, 1. Cor. 3. non
 Papa, non opera aut iustitia nostra. Ipse Christus so-
 lus est caput fidei ecclesiæ, nosq; membra eius, 1. Cor.
 12. Si enim ex lege esset iustitia, Christus gratis venis-
 set, Gal. 2. Fundamentum igitur & caput fidei nostræ

CCC 2 atque